

ხელშეკრულება №
სახელმწიფო შესყიდვის შესახებ

ქ. თეთრიწყარო

2021 წელი

ერთის მხრივ თეთრიწყაროს მუნიციპალიტეტი (შემდგომში "შემსყიდველი") წარმოდგენილი მისი მერის გიორგი ქორიძეს სახით და მეორეს მხრივ ----- (შემდგომში "მიმწოდებელი") წარმოდგენილი სახით, სახელმწიფო შესყიდვების კანონმდებლობისა და მიმწოდებლის სატენდერო წინადადების საფუძველზე, გამარტივებული ელექტრონული ტენდერის (N-----) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურების გაწევას ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ - N ----- ელექტრონული ტენდერის სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1. ხელშეკრულების საგანს წარმოადგენს ავტოტექმომსახურების (სერვისი - სათადარიგო ნაწილებით) შესყიდვა (50112000-CPV).

3. ხელშეკრულების ღირებულება

- 3.1. ხელშეკრულების ღირებულება შეადგენს ----- ლარს.
- 3.2. ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.
- 3.3. დაფინანსების წყარო 2021 წლის ადგილობრივი ბიუჯეტის სახსრები.

4. ანგარიშსწორების ფორმა და ვადები

- 4.1. უნაღდო ანგარიშსწორება განხორციელდება ეტაპობრივად, ფაქტიურად გაწეული მოსახურების შესაბამისად გაფორმებული მიღება-ჩაბარების აქტისა და მიმწოდებლის მიერ წარმოდგენილი საგადასახადო დოკუმენტაციის საფუძველზე, მიღება-ჩაბარების აქტის გაფორმებიდან 30 დღის ვადაში.
- 4.2. ანგარიშსწორება განხორციელდება ლარებში.

5. მომსახურების მიღება-ჩაბარების წესი

- 5.1. მომსახურება ჩაითვლება გაწეულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
- 5.2. შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს -----

6. მომსახურების გაწევის ადგილი და ვადა

- 6.1. მომსახურება განხორციელდება მიმწოდებლის სერვისცენტრში.
- 6.2. მომსახურება განხორციელდება ხელშეკრულების გაფორმებიდან 2021 წლის 31 დეკემბრის ჩათვლით.
- 6.3. სავალი ნაწილის შეკეთება უნდა განხორციელდეს არაუგვიანეს 3 კალენდარული დღეში.

რთული საკვანძო ნაწილების შეკეთება (ძრავი, გადაცემათა კოლოფი, ხიდი) არაუგვიანეს 14 კალენდარული დღეში.

6.4. თუ ტექნიკური მომსახურება ეხება რთულ სამუშაოებს ან მომსახურების დეფიციტური სათადარიგო ნაწილით უზრუნველყოფას, შესაძლებელია მომსახურების გაწევის დრო გაიზარდოს, მაგრამ არაუმეტეს 30 კალენდარულ დღემდე.

7. მხარეთა უფლება-მოვალეობები მიმწოდებელი ვალდებულია:

7.1. შემსყიდველის წერილობითი მიმართვის შემთხვევაში ჩაატაროს კონკრეტული ავტომატქან(ებ)ის სრული დათვალიერება, (როგორც ვიზუალური ისე კომპიუტერული), რის შემდეგაც მხარეები ადგენენ დეფექტურ აქტს, რომელშიც მითითებული უნდა იყოს გასაწევი მომსახურების ან/და სათადარიგო ნაწილების დეტალური აღწერა, მათი ღირებულებები, აგრეთვე მომსახურების დაწყებისა და დასრულების ვადები. აღნიშნული დოკუმენტი უნდა იყოს ხელმოწერილი.

7.2. გაუწიოს მომსახურება შემსყიდველს სათანადო ხარისხით.

7.3. ავტომატქანაზე სხვა მომსახურების (მომსახურება, რომელიც არ არის მითითებული ცხრილებში) წარმოქმნის აუცილებლობის შემთხვევაში მომსახურება გასწიოს სახელშეკრულებო ღირებულების ფარგლებში შემსყიდველთან შეთანხმებულ ფასად (საბაზრო ფასების გათვალისწინებით), მაგრამ მისი (მათი) საერთო ღირებულება არ უნდა აღემატებოდეს ელექტრონული ვაჭრობის შედეგად დაფიქსირებულ პრეისკურანტის საბოლოო ჯამური ღირებულების 10%-ს.

7.4. იმ შემთხვევაში, თუ აღმოჩნდება რომ მიმწოდებლის მიერ არ არის სრულყოფილად შესრულებული მომსახურება და/ან შეცვლილი ნაწილი აღმოჩნდა წუნდებული, მიმწოდებელი ვალდებულია აღმოჩენილი ხარვეზი დაუყოვნებლივ აღმოფხვრას საკუთარი ხარჯებით;

7.5. საჭიროების შემთხვევაში, საქართველოს მთელს ტერიტორიაზე უნდა უზრუნველყოს ევაკუატორით მომსახურება;

7.6 მომსახურება გასწიოს რიგგარეშე; მიმწოდებელი უფლებამოსილია:

7.7 მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში. შემსყიდველი ვალდებულია:

7.8 უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში. შემსყიდველი უფლებამოსილია:

7.9 ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

7.10 ნებისმიერ დროს მოითხოვოს მიმწოდებლისაგან შეცვლილი სათადარიგო ნაწილის შესაბამისი სერტიფიკატი.

8. გარანტია

8.1. განხორციელებულ მომსახურებაზე და თანმდევ ახალი სათადარიგო ნაწილებზე ვრცელდება 6 (ექვსი) თვიანი გარანტია. იმ შემთხვევაში, თუ აღმოჩნდება რომ მიმწოდებლის მიერ არ არის სრულყოფილად შესრულებული მომსახურება ან/და შეცვლილი ნაწილი აღმოჩნდა წუნდებული, მიმწოდებელი ვალდებულია აღმოჩენილი ხარვეზი აღმოფხვრას საკუთარი ხარჯებით;

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე სახელშეკრულებო ღირებულების 0,1%-ის ოდენობით.

9.2. იმ შემთხვევაში, თუ დაკისრებული პირგასამტეხლოს თანხა, ხელშეკრულებით განსაზღვრულ მომსახურების მიწოდების პერიოდში, ნაზარდი ჯამით გადააჭარბებს ხელშეკრულების ჯამური ღირებულების 0,5%, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება ან/და დაუკავოს გადასახდელი თანხიდან.

9.3. ხელშეკრულების თვითნებურად შეწყვეტის შემთხვევაში მიმწოდებელი გადაიხდის ჯარიმას სახელშეკრულებო ღირებულების 20%-ს ოდენობით;

9.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები

შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, მათ შორის ეროვნული ვალუტის კურსის, სატენდერო წინადადების მიღების ვადის დასრულების მომენტისათვის არსებულ კურსთან შედარებით 10%-ზე მეტად გაზრდის შემთხვევაში. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში 9.2 ქვეპუნქტის მოთხოვნების გათვალისწინებით, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5. მხარე ვალდებულია არანაკლებ 1 (ერთი) დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 10.4 პუნქტით გათვალისწინებულ გადაწყვეტილების მიღების განზრახვის თაობაზე.

10.6. ხელშეკრულება ასევე შესაძლებელია შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

12. დავები და მათი გადაწყვეტის წესი

12.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობით.

13. ხელშეკრულების მოქმედების ვადა. ხელშეკრულება ძალაშია - - - - -

14. მხარეთა რეკვიზიტები

შემსყიდველი:

მიმწოდებელი